



10.Maj.2017

UPA2017/115

**Aalisarneq pillugu Inatsisartut Inatsisaat allanngorteqqullugu imaalillugu Kalaallit Nunaata kitaani raajarnut TAC-ip agguaanneqarnerani sinerissap qanittuani Aalisartunut avataasiortunullu assigiimmik 50/50-ngortillugu suliareqqullugu Naalakkersuisut peqquneqarnissaannik Inatsisartut aalajangiiffigisassatut siunnersuut.**  
(Inatsisartunut ilaasortaq Nikolaj Jerimiassen, Siumut)

Inatsisartut inatsisaat nr. 5, 21. Maj 2002-meersoq rejer-nut TAC-ip avinneqartarneranut tungasoq 57% -tit avataasiortunut aammalu 43% -tit sinerissap qanittuarminiunut, allanngortinnissaanut tassa assigiilersinneqarnissaanut 50/50% - tinngorlugit inatsisartunut ilaasortap Nikolaj Jerimiassen-ip siunnersuutaa aammalu Naalakkersuisut sinnerlugit Aalisarnermut Piniarnermullu Naalakkersuisup akissuteqaataanut imatut oqaaseqassaagut partii Naleqqamiit.

Naalakkersuisut akissuteqaataat aallaavigalugu aalisarnermut Inatsisissaq nutaaq tamakkiisumik suliarineqalernera assut isumalluarnartut Partii Naleqqamiit tiguarpit Nunatsinnut inuinullu naleqquttumik suliarineqarnissaa aamma assut pingaatickatsigu, ullumikkut aalisarnermut Inatsit naleqqukkunnaaluinnarsimavoq Nunatsinnut inuinullu, tassami maannamut inatsit atuuttoq inunnut ikittuinnarnut taamaallaat atulersimalluni nunallu inui isiginnaartuinnangorsimapput amerlanerpaartaat.

Naalakkersuisut akissuteqaataata ilaanik issuaalaarpunga siulittaasoq?

“Taamaammat aaliangiiffigisassatut siunnersuutip akuerineqarnissaa Naalakkersuisut Inassuteqaatigisinnaangilaat Naalakkersuisulli aaliangiiffigisassatut siunnersuut aalisarneq pillugu inatsisartut inatsisaanni nr. 18, 31. Oktober 1996-imeersumi § 14-ip atorneqarsinnaanerani – taassumalu atorneqarnerani aningaasatigut kingunissaanik – maannakkut misissuineranut ilanngutissavaat. Naalakkersuisut ukiamut Inatsisartut ataatsimiinnissaannut aalisarneq pillugu Inatsit nutaaq saqqummiutissallugu siunnerfeqarput. Tassunga ilanngullugu siunnersuummi pineqartoq ilanngullugu allannguuteqarfiginissaa Naalakkersuisut naatsorsuutigivaat.”

Aalisarnermut Inatsisissaq taamak inuiaqatigiinnut pingaaruteqartigisoq Inatsisartunit Ilaasortanit inuit sinniisussamittut qinersimasaanit Partiinit tamanit aallartitanik ilaaffigineqartumik isumalioqatigiisitamik suligasuartussamik pilersitsisoqarnissaa Partii Naleqqamiit siunnersuutigarpur.

Taamatut oqaaseqarluta Inatsisartunut ilaasortap Nikolaj Jerimiassen-ip siunnersuutaa tamakkiisumik taparserparput uungalu suliassamut tamakkiisumut ilanngunneqarnissaa kaamattuutigarpur.

Unalu siunnersuut aalisarnermut piniarnermut nunalerinermullu ataatsimiititaliamut ingerlateqqinneqarnissaa innersuullutigu.

Henrik Fleischer